

Programa << CREANDO MELLORA >>

10ª edición

Dá nas teclas que importan :
análise, planificación e xestión participada nas cooperativas

Convoca: Unión de Cooperativas Galegas Espazocoop

Destinatarias: Preferentemente mulleres en desemprego, menores de 30 anos con formación empresarial

Convoca

Unión de Cooperativas Galegas EspazoCoop, dentro do Programa de actuación 2022 da Rede Eusumo.

A Rede Eusumo é unha rede de colaboración impulsada pola Secretaría Xeral de Emprego Trabajo Autónomo e Economía Social da Xunta de Galicia para o fomento e consolidación do cooperativismo e a economía social que conta co financiamento do Ministerio de Trabajo e Economía Social do Gobierno de España.



Obxecto

ESPAZOCOOP é unha entidade multisectorial, integrada por cooperativas de distintas clases, que ten, como un dos seus obxectivos, a mellora da xestión e do funcionamento a nivel organizativo das cooperativas que asocia.

Coñecida a situación existente (dun baixo nivel de xerencias profesionais nas cooperativas), ofrece apoio aos procesos de mellora e consolidación, convocando o Programa 'CREANDO MELLORA' para cooperativas, trátase dun **programa de bolsas para procesos de mellora nas COOPERATIVAS**.

O obxecto desta convocatoria é **seleccionar 4 persoas bolsseiras, preferentemente mulleres menores de 30 anos, tituladas e formadas na área empresarial e que actualmente se atopen en desemprego** para incorporarse nalguna das cooperativas beneficiarias seleccionadas, realizando prácticas na xerencia e nun proxecto de apoio e mellora na entidade, **durante 5 meses e 25 horas semanais** (a bolsa exige ter dispoñibilidade, porque require dunha adicación continua e presencial).

A finalidade do Programa é **mellorar as condicións nas que as cooperativas abordan a función xerencial** e os procesos de mellora nas súas organizacións, e tamén **fomentar o emprego** mellorando a capacitación das persoas mediante un proceso de iniciación profesional nas cooperativas beneficiarias, en especial das mulleres.

CONDICIÓN DAS BOLSAS 'CREANDO MELLORA'

Unha selección das persoas bolseiras

Realizarase un proceso de selección das persoas bolseiras, do que se encarga EspazoCoop, para seren asignadas a cada unha das cooperativas beneficiarias dunha Bolsa, que terá estas fases:

- 1) Pre-selección en función do curriculum, e da información acadada a través do formulario de solicitude.
- 2) Participación nun **curso de formación semi-presencial** de 20 horas en materia cooperativa para a formación de titoras xerencias en cooperativas. **Do 1 ao 17 de Abril** (1 sesión presencial en Santiago o **13 de abril**, de 9.30 a 14.30 h. | 3 sesións virtuais os días **1, 5 e 8 de Abril** de 11 a 12.30 horas a través da Aula Virtual de EspazoCoop. O curso permanecerá aberto ata o 17 de Abril para permitir ás participantes visualizar os contidos e realizar as tarefas).
- 3) Selección final das bolseiras. Cabe a posibilidade de que se realicen entrevistas persoais coas candidatas.

Período de duración da Bolsa

A estadia da persoa bolseira na entidade beneficiaria comprenderá do **2 de Maio ao 30 de Setembro de 2022**.

Ubicación xeográfica das cooperativas beneficiarias do Programa 'Creando Mellora'

- A Coruña (1 cooperativa/bolsa)
- Santiago de Compostela (1 cooperativa/bolsa)
- Pontevedra (1 cooperativa/bolsa)
- Vigo (1 cooperativa/bolsa)

A cada persoa bolseira seleccionada seralle asignada unha cooperativa en base á localidade á que se candidata.

Un Programa Formativo

As Bolsas son un programa formativo (teórico e práctico), e as persoas bolseiras seguirán un Plan de Traballo establecido, de xerencia dunha cooperativa, tendo como obxectivo final a elaboración dun **proxecto de Plan de Mellora** para a mesma.



A formación está adaptada ás particularidades do modelo empresarial das cooperativas e entidades economía social, e basease en principios e valores propios, como a participación, a xestión democrática, a relación coa comunidade, a propiedade conxunta, a cooperación entre cooperativas, a autonomía, a axuda mutua, a responsabilidade compartida, a equidade ... O programa **incorpora as especialidades do Cooperativismo**.

O proceso de traballo consiste na elaboración dunha diagnose interna da cooperativa, facendo un percorrido polas diferentes áreas da empresa:

- x **Organizativa e Lexislativa**
- x **Comercial e Mercadotecnia**
- x **Económico e Financeira**
- x **Planificación Estratéxica**
- x **Plan de Mellora**

E para elo contan coa **tutorización especializada de EspazoCoop** que se encarga de realizar o seguimento e acompañamento dos traballos prácticos que fai na entidade como: acadar información relevante dos distintos ámbitos da entidade, analizar as diferentes áreas, aprender a interpretar a información, ordenar a información, propór, comunicar e guiar con eficacia para acadar obxectivos, planificar para lograr as metas, aplicar accións de mellora, realizar o seguimento das medidas tomadas na entidade, etc.

Tratarase de que as persoas bolseiras adquiren unha visión estratéxica para aplicala na entidade; potenciar capacidades e habilidades claves para anticiparse ás consecuencias da xestión.

Non só se trataría de xestionar máis ou mellor, senón pensar estratéxicamente en novas accións que se terían que realizar ou cales deberían deixar de facerse.

Os traballos, en cada entidade beneficiaria dunha Bolsa, terán un certo grao de adaptabilidade, en base ás súas necesidades e demandas específicas na área xerencial da entidade.

EspazoCoop porá a disposición das bolseiras a súa oferta de actividades formativas, en especial o Programa Especializado de Formación Xerencial 2022.

Lugares nos que se desenvolve a Bolsa

Como as persoas bolseiras seguirán un programa formativo teórico-práctico, dinamizado por unha persoa titora da Unión, o lugar de celebración dos traballos de apoio xerencial serán :

- Nas instalacións da propia cooperativa, sempre que a situación sanitaria o permita.
- Opción de teletraballo.
- Nos lugares onde se desenvolvan as sesións de titoría ao longo da Bolsa, nas que deben participar, que serán informados con antelación.

Adicación da Bolsa na cooperativa

A **adicación semanal** da persoa bolseira será de **25 horas semanais**, e desenvolverase ao longo de **5 meses**.

Axuda económica

Cada persoa bolseira recibirá una retribución bruta mensual de **700,00 €**, cantidade á que se lle descontará a Seguridade Social e a retención do IRPF correspondentes.

Solicitantes e perfís

Persoas, preferentemente mulleres, menores de 30 anos, que se atopen en situación de desemprego e en posesión do título de grao, diplomatura ou licenciatura en titulacións relacionadas coa xestión empresarial (Administración e Dirección de Empresas, Económicas, Empresariais, Relacións Laborais, ...), tamén de Ciclos Superiores de formación profesional en especialidades relacionadas coa xestión empresarial.

Perfís en sintonía coa economía social, ou con sensibilidade, predisposición e inquietude por modelos empresariais con esa orientación.

Para a selección de bolseiros/as valorarase a traxectoria de estudos, coñecementos técnicos

(análise económica e financeira, xestión fiscal, laboral ou contable, estratexia empresarial...), a formación e coñecementos en economía social, as experiencias laborais, experiencias de carácter asociativo ou comunitario, de voluntariado, etc.

Tamén serán valoradas as actitudes e aptitudes para desenvolver labores xerenciais - capacidades e habilidades neste sentido-, como aspectos de iniciativa, resolución de conflitos, motivación, traballo en equipo e habilidades sociais, tamén os coñecementos de ferramentas e instrumentos de xestión, así como as que se poidan determinar coas entidades para cada proxecto concreto.

A selección final das persoas beneficiarias será validada por unha Comisión de EspazoCoop, atendendo aos criterios establecidos na convocatoria para entidades deste Programa.

SOLICITUDES E PRAZO

O prazo para inscribirse abrangue dende o 17 ata o **28 de Marzo de 2022**. As persoas interesadas en candidatar como bolseiras deberán :

- 1) Cumprimentar o **formulario electrónico de datos** [neste enlace](#)
- 2) Enviar o seu **currículum** á Unión de Cooperativas EspazoCoop, ao correo electrónico: roberto@espazo.coop

A inscrición **deberá indicar**, entre outros datos, a **localidade á que optan**.

- O que as candidatas indiquen no formulario de inscrición debe axustarse ao indicado no currículo enviado.
- O currículo avalará certas respostas do formulario, e debe cumprir os requisitos e condicións mencionadas nesta convocatoria, se non é así, a súa puntuación pode ser minorada ou inclusive pode excluírse a candidatura, ao non poder contrastar ou xustificar as respostas dadas no formulario e os requisitos da convocatoria.
- O currículo ten que poder acreditarse no momento que EspazoCoop o solicite.

INFORMACIÓN E CONSULTAS

Teléfono e mail de consulta e información:

986 86 61 49 . De 9:00 a 14.00 horas, de luns a venres.

roberto@espazo.coop

ACEPTACIÓN DAS BASES

A presentación da solicitude implica a conformidade e aceptación das bases da convocatoria por parte da persoa solicitante.

A entidade convocante resérvase a posibilidade de modificar as datas, se fora o caso, por motivos e causas de interese para o desenvolvemento do proceso e o Programa.